



## Nos morts

### **Tumaisch Schmid - Berther Gionda/Sedrun**

Suenter cuorta malsogna, denton nunspitgadamein ei il Tumaisch morts ils 19 da fevrer el spital regiunal a Glion.

Naschius ei il Tumaisch ils 25 da fevrer 1916 a Sedrun sco fegl da Heinric Schmid e Maria Barla Schmid. Ensemen cun sis fargliuns ha el passentau l'affonza a Sedrun nua ch'el ha era frequentau las scolas primaras e secundaras. Pli tard ha

el fatg igl emprendissadi da miradur tier la firma Battesta Vincenz. Igl onn 1942 ha il Tumaisch maridau la giuvna Serafina Berther da Rueras e Dieus ha benediu lur lètg cun quater feglis e duas feglias. 35 onns, entochen sia pensiun 1981 ha el luvrau tier la firma Murer SA. sco miradur e capoluvrer. Silsuenter eis el segidaus entgins onns cun ses feglis ella interresa Constraba SA. Ses buns cussegls e sia gronda exprienza ein adina stai beinvegni. Siu temps liber anflavan ins il Tumaisch il bia en siu luvratori. Luvrar cun lenn era siu grond plascher.

Suenter la mort da sia dunna Serafina igl onn 1994 haveva il Tumaisch il giavisch da puder far persuls il percasa e buca stuer bandunar la casa paterna entochen la mort. Quei giavisch ei vegnius ademplius e nus sperein ch'il Tumaisch sesanfli avon la fatscha da Diu. *Detti Dieus ad el il ruaus perpeten.*